



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXXVII. De similitudine Regni Cælorum cum Margarita.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

nerant gaudium: unde *Secura mens quasi iuge convivium*
 Proverb. 15. v. 15. Id ipsum expertus est, qui dixit
 2. Cor. 1. v. 12. *Gloria nostra hæc est, testimonium Con-*
scientiæ nostræ, quòd in Simplicitate cordis, & Sinceritate
DEI, & non in Sapientia carnali, sed in Gratia DEI con-
versati sumus in hoc mundo.

PUNCT. III. Quia verò tunc primùm Thesauri
 rus inventus simul cum agro, perfecto & stabili iure
 acquiritur, quando quis cum Gratia finali decedit
 hac vita; ideo vadens pro Gratia comparanda vendit
 omnia, omnes honores, omnes voluptates, omnes
 denique creaturas, quarum abdicatio utilis vel neces-
 saria est ad Gratiâ finalem, & ad Thesaurum Regni
 Cælorum sibi comparandum; vel quarum retentio
 occasio sibi est peccati, sive mortalis, sive venialis,
 sive multarum saltem imperfectionum, dispositio
 tum ad peccatum.

MEDITATIO CCLXXVII

De similitudine Regni Cælorum

cum Margarita.

Matth. 13. v. 45.

PUNCTUM I. *Simile est Regnum Cælorum homini negoti-*
atori, quærenti bonas Margaritas. Id est: Simi-
 modo quæritur Regnum Cælorum, quomodo
 negotiator quærit bonas Margaritas: adeoque Regnum
 Cælorum comparatur bonæ Margaritæ. Confidit
 ergo, quòd, sicut negotiator prudenter discernit,
 seligit bonas Margaritas à malis & falsis, solùmque
 apparentibus Margaritis, sic quicumque quærit

gnum Cælorum, debeat illud à bonis terrenis discernere, & seligere; bona enim terrena nihil, nisi fragilia vitra sunt & fallacia, apparent tamen esse Margaritæ, & non sunt ullius pretij & valoris. Agnosce igitur ingens pretium Regni Cælorum, & vilitatem ac fragilitatem bonorum terrenorum; compara utraque inter se, & mox apparebit, hæc omnino contemptibilia esse, illud autem appetendum unicè, ac super omnia æstimandum.

PUNCT. II. *Inventa autem unâ pretiosâ Margaritâ, abiit, & vendidit omnia, quæ habuit, & emit eam.* Sic pro inventa, & agnita bona Margarita, scilicet pro æterna Beatitudine, æstimatâ infinito pretio Sanguinis Filij DEI, paratus esto omnia bona terrena, commoditates, voluptates, honores &c. relinquere, & dole, quòd sæpe rem levissimam illi præposueris; cura verò, ne deinceps quidquam præponas, & alicui rei, loco, officio &c. per immoderatum affectum adhæreas. Gratulare tibi etiam, quòd pretiosam illam Margaritam inveneris, & quòd relictis omnibus per ingressum Religionis illam emeris. Omnem proinde diligentiam adhibe, & auxilia Gratiæ à DEO precare, ne unquam contractus iste rescindatur, aut à te violetur, ullius rei contra promissam Paupertatem usurpatione.

PUNCT. III. Certum habe, non posse cætera bona retineri, & Margaritam simul, quasi per donationem, acquiri: ideo Christus dixit, emendam esse venditis omnibus. Idque confirmavit verbis Abrahamæ ad divitem Epulonem. Luc. 16. v. 25. *Fili recordare, quia recepisti bona in vita tua, & Lazarus similiter mala, nunc autem hic consolatur, tu verò cruciaris.* Et

apud eundem Lucam. c. 6. v. 24. *Vae vobis divitibus quia habetis consolationem vestram.* Considera tamen ingens præstari à DEO Beneficium, quòd pretiosissimam Margaritam tam exiguo pretio vilium bonorum liberaliter & gratiosè vendat, atque etiam in hac vita tradat. Nam quamprimum deserimus perfectè omnia terrena, incipimus frui Cælestibus per libertatem, & quietem animi, & Solatia Cælestia; ut cum Apostolo etiam dicere quis possit: *Impletus sum Consolatione, superabundo Gaudio in omni tribulatione nostra.* 2. Cor. 7. v. 4.

MEDITATIO CCLXXVIII

De similitudine Regni Cælorum

cum Sagena.

Matth. 13. v. 47.

PUNCTUM I. *Iterum simile est Regnum Cælorum Sagena missa in mare, & ex omni genere piscium congregata.* Id est, simile quid contingit circa homines in Cælo immittendos, quod contingit circa pisces, qui Sagena congregantur. Tria itaque hac parabola indicantur, Mors, Judicium, & executio Sententiæ judicialis, decernentis vel Gaudia Regni Cælorum, vel Supplicia Inferni. Primo hoc puncto consideranda Mortem esse Sagenam, vel similem esse Sagenam in mare vitæ præsentis, salis, & instar aquæ dilabentis, & ex omni genere piscium congreganti: Nam Statutum est hominibus semel mori; post hoc autem Judicium. Eccl. 9. v. 27. Cogita proinde, te hac Sagena cælo comprehendendum, & sicut ex Sagena aquæ dilabentis